



Broj predmeta: 02-000049/20
Broj akta: 01.1-1141SM-026/20
Datum, 19.3.2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, komandant Štaba, gradonačelnik Brčko distrikta BiH
i z d a j e

N A R E D B U

O IZMJENI NAREDBE,

broj predmeta: 02-000049/20, broj akta: 01.11-1141SM-022/20 od 16. 3. 2020. godine

Član 1.

U Naredbi broj: 02-000049/20 od 16. 3. 2020. godine mijenja se član 6. i glasi:

„Član 6.

- (1) Zabranjuje se rad privrednim subjektima koji se bave ugostiteljskom djelatnošću usluživanje hrane i pića u objektima.
- (2) Dozvoljava se dostava hrane uz maksimalne mjere higijene i sigurnosti u nastalim okolnostima do 22.00 sata.
- (3) Radno vrijeme pekara je do 22.00 sata u kojima je dozvoljena prodaja bez zadržavanja i konzumiranja u istima i ispred objekta pekare.
- (4) Dozvoljava se rad hotelima, hostelima i motelima, u smislu izdavanja soba za noćenje, s tim da se gostima obroci dostavljaju u sobe.
- (5) Zabranjuje se rad:
 - a) stomatološkim ordinacijama u privatnoj praksi;
 - b) kladionicama i kockarnicama i sličnim objektima;
 - c) svadbenim salonima, dječijim igraonicama, rođendaonicama, dnevnim boravcima djece i sličnim objektima;
 - d) teretanama, *fitness* centrima i sličnim oblicima djelatnosti i organizovanja;
 - e) frizerskim salonima, kozmetičkim salonima, salonima za masažu, solarijima, brijačnicama i objektima sličnog tipa;
 - f) javnog gradskog prevoza;

- g) pijacama, osim zelenim pijacama uz pojačanu higijenu i uz preporuku kupcima da se što kraće zadržavaju.
- (6) Dozvoljava se rad:
- zanatlijama (električari, vulkanizeri, autoservisi, autopraonice i slično);
 - građevinskim firmama, stovarištima i slično;
 - knjigovodstvenim uredima/biroima;
 - tehničkim pregledima motornih vozila;
 - taksistima;
 - apotekama do 22.00 sata;
 - poljoprivrednim i veterinarskim apotekama, kao i prodavnicama stočne hrane, prodavnicama hrane za kućne ljubimce do 18.00 sati;
 - pogrebnih usluga s pratećom opremom.
- (7) Zabranjuje se rad privrednim subjektima koji se bave trgovinskom djelatnošću osim:
- benzinskim stanicama u skladu s propisanim radnim vremenom, a zabrana za dio benzinske stanice u kojem se obavlja ugostiteljska djelatnost;
 - trgovinama prehrambene robe i robe široke potrošnje (sredstva za higijenu i ličnu higijenu i slično) do 18.00 sati;
 - trgovinama prehrambene robe i robe široke potrošnje (sredstva za higijenu i ličnu higijenu i slično) u sklopu tržnih centara do 18.00 sati;
 - trgovinama zaštitne opreme do 18.00 sati.
- (8) Privredni subjekti kojima je zabranjen rad, a bave se trgovinskom djelatnošću, koji osiguravaju robu potrebnim djelatnostima kojima je dozvoljen rad u skladu s ovom naredbom, mogu se obratiti Kriznom štabu za odobrenje isporuke robe, putem Kabineta gradonačelnika na e-mail stojanka.knezevic@bdcentral.net.
- (9) Revidira se zabrana rada autoškola na način da se kandidatima koji su započeli obuku vožnje omogući da završe proces obuke.“

Član 2.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

- Uredu gradonačelnika
- Zamjeniku gradonačelnika
- Glavnom koordinatoru Vlade Brčko distrikta BiH
- Svim odjeljenjima Vlade (12x)
- Uredu gradonačelnika / Inspektorat
- Policiji Brčko distrikta BiH
- Ministarstvu sigurnosti BiH, terenski centar Brčko
- Služba za rad sa strancima, Trg mladih br. 8
- Ministarstvu sigurnosti BiH – Granična policija BiH
- Institucijama Brčko distrikta BiH (8x)
- Javnim preduzećima, fondovima i zavodu (7x)
- Sekretaru Vlade (3x)
- „Službenom glasniku Brčko distrikta BiH“
- Arhivi.

GRADONAČELNIK

Mr. sc. Siniša Milić